



Broj: 22-44-1661/17
Datum, 19.10.2017. godine

Na osnovu člana 70. stav 2. Zakona o organizaciji organa uprave u FBiH ("Službene novine Federacije BiH" br.: 35/05) a u vezi sa članom 17. stav 1. Zakona o javnim nabavkama BiH ("Službeni glasnik BiH", br.:39/14) i članom 2. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo d o n o s i

ODLUKU
o pokretanju javne nabavke putem direktnog sporazuma

I

Ovom Odlukom se pokreće postupak javne nabavke putem direktnog sporazuma za nabavku usluge "servisa motornog vozila - marke Ford Focus", sukcesivno prema potrebama ugovornog organa u trajanju 12 mjeseci od dana potpisivanja ugovora, a sve prema specifikaciji iz Obrazca za cijenu ponude.

Oznaka i naziv iz JRJN: 50112000-3 Usluge popravaka i održavanja vozila.

II

Vrijednost javne nabavke iz tačke I ove odluke, procjenjuje se do 3.000,00 KM bez PDV-a.

III

Sredstva za nabavku iz tačke I se osiguravaju iz planiranih budžetskih sredstava za 2017. i DOB-a za 2018 godinu sa ekonomskog koda 613700 – Izdaci za tekuće održavanje i 613500 - Izdaci za usluge prijevoza i goriva.

IV

Nakon prijema ponude od dobavljača, a prije donošenja Odluke o direktnom sporazumu, Kantonalna uprava civilne zaštite će, uzimajući u obzir princip najefikasnijeg korištenja javnih sredstava, prihvatiti prijedlog cijene ili pregovarati o istoj, ili u slučaju neprihvatljivosti cijene ili nepovoljnog ishoda pregovora, obratiti drugom dobavljaču da dostavi prijedlog cijene ili ponudu, ili će odabrati drugu vrstu postupka, definisanu Zakonom.

V

Ova odluka stupa na snagu danom donošenja.

Dostaviti:

1. Sektoru za ekonomske poslove KUCZ KS
2. Ministarstvu finansija KS
3. a/a

DIREKTOR
my. Mustafa Kovač





Broj: 22-44-1661-3/17
Datum: 19.10.2017. godine

Na osnovu člana 70. stav 1., 2. i 3. Zakona o javnim nabavkama Bosne i Hercegovine („Službeni glasnik BiH“, broj:39/14) i odredbama Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo donosi

ODLUKU
o izboru

Član 1.

Ugovor za javnu nabavku usluge "servis motornog vozila - marke Ford Focus", sukcesivno prema potrebama ugovornog organa u trajanju 12 mjeseci putem direktnog sporazuma dodjeljuje se ponuđaču Grand Automotive d.o.o. Sarajevo prema dostavljenoj ponudi za ponudenu cijenu od 2.926,65 KM (slovima: dvijehiljadedevetstotinadvaesetšest KM i 65/100), kao najpovoljnijem ponuđaču.

Član 2.

Prijedlog ugovora o nabavci dostavit će se na potpis izabranom ponuđaču Grand Automotive d.o.o. Sarajevo.

Član 3.

Ova Odluka stupa na snagu danom donošenja.

Obrazloženje

Direktor Kantonalne uprave civilne zaštite Kantona Sarajevo donio je Odluku o pokretanju postupka javne nabavke broj: 22-44-1661/17 od 19.10.2017. godine.

U skladu sa članom 5. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Kantonalna uprava civilne zaštite Kantona Sarajevo je uputila zahtjev za dostavu pismene ponude na adresu jednog (1) ponuđača čija djelatnost je iz opisa predmeta ove javne nabavke i ovlaštenu je servisera za vozila marke Ford.

Kako je ponuđač Grand Automotive d.o.o. Sarajevo dostavio kvalifikovanu i prihvatljivu ponudu za predmetnu nabavku, ovaj ugovorni organ je odlučio kao u dispozitivu ove Odluke.

Pouka o pravnom lijeku:

Protiv ove Odluke ponuđač može izjaviti žalbu u roku od 5 (pet) dana od dana prijema Odluke o izboru. Žalba se podnosi ugovornom organu kao prvostepenoj instanci u žalbenom postupku.

Dostaviti:

- Grand Automotive d.o.o. Sarajevo
- Ministarstvo finansija Kantona Sarajevo
- a/a

DIREKTOR

mr. Mustafa Kovač



E-mail: kucz@kucz.ks.gov.ba ; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdara 1

U G O V O R

o javnoj nabavci putem direktnog sporazuma
- usluge servisa motornog vozila marke Ford Focus -

Zaključen dana 19.10.2017. godine u Sarajevu između:

1. **Kantonalna uprave civilne zaštite Kantona Sarajevo**, ul. Hamida Dizdara br. 1., Sarajevo, koju zastupa direktor, mr. Mustafa Kovač, (u daljnjem tekstu: **Naručilac**), ID broj: 4200665390008
- i
2. **Grand Automotive d.o.o. Alipašina bb, 71 000 Sarajevo**, koju zastupa direktor Mirhad Šabotić, (u daljem tekstu: Izvršilac) ID broj: 4202184950002

Član 1.

Predmet ovog Ugovora je nabavka usluge servisa motornog vozila - marke Ford Focus putem direktnog sporazuma, a sve prema zahtjevu za dostavu ponude broj: 22-44-1661-1/17 od 19.10. 2017. godine.

Ugovor se zaključuje na osnovu Odluke o izboru najpovoljnijeg ponuđača broj: 22-44-1661-3/17 od 19.10.2017. godine i ponude Izvršioca od 19.10.2017 godine.

Član 2.

Izvršilac se obavezuje, da će predmetnu uslugu iz člana 1. ovog Ugovora izvršiti kvalitetno i pravovremeno, prema dostavljenoj ponudi.

Član 3.

Ukupno ugovorena cijena za izvršenje usluga iz predmeta ovog ugovora iznosi do 2.926,65 KM (slovima: dvijehiljadedevetstotinadvadesetšest KM i 65/100), a stvarna vrijednost usluga se utvrđuje po ispostavljenim fakturama za pružene usluge shodno zahtjevima ugovornog organa, prema iskazanim cijenama u Obrazcu za cijenu ponude.

U ukupno ugovorenu cijenu iz predhodnog stava ovog člana, su uračunati troškovi PDV-a i isti padaju na teret Naručioca.

Član 4.

Plaćanje usluga iz člana 3. ovog Ugovora, Naručilac će izvršiti uplatom na račun Izvršioca br: 1610000155490041 kod Raiffeisen Banke, a na osnovu ispostavljenih računa, sukcesivno u trajanju od 12 mjeseci prema obavljenim uslugama.

Izvršioc je saglasan da Naručiocu neće zaračunavati zatezne kamate za zakašnjenje pri plaćanju preko "Trezora" Ministarstva finansija Kantona Sarajevo, ako je Naručilac u ugovorenom roku predao nalog za plaćanje, a Izvršilac primio uplatu s odgodom od jednog ili više dana od ugovorenog roka iz stava 1. ovog člana.

Član 5.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 6.

Ugovorne strane su saglasne da će sve eventualne sporove riješiti mirnim putem, sporazumno, a u suprotnom nadležan je Općinski sud u Sarajevu.

Član 7.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Izvršioca.

Član 8.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

IZVRŠILAC

DIREKTOR

Mirhad Šabotić



U Sarajevu, 19.10.2017. godine

NARUČILAC

DIREKTOR

mr. Mustafa Kovač



Broj: 22-44-1661-5/17